

04 攢縛粽

蔡連真

真濟人若來咱臺灣迤迤，攞會呵佬講：「臺灣是一個上有人情味的所在。」有影是規樣好好——無錯。尤其是若到每一個大節日，攞有相對應的典故恰好食的物件，親像中秋的月餅、冬節的圓仔、清明的潤餅，攞是家家戶戶會食著的物件。當然啦，五日節的粽，更加是較濟人會家己攢的節日食品。

會記得頂工歇暈的時，透早阿母環保袋仔揸咧，講欲去菜市仔款貨，通利用假日來縛粽。伊問我講：「你欲綴我來去無？」我心內想講：「平常時仔阿母攞會叫我踎厝裡寫功課，這擺哪會主動欲招我去菜市仔買菜咧？」原來就是五日節欲到矣，伊欲家己縛粽。縛粽需要的物件有較濟，愛有人鬥揸。另外，阿母嘛想欲順繼予我有一個學習的機會，知影欲按怎款貨恰選擇鮮沢的食材，才袂定定去予人笑講是「食米毋知米價，食飯坵仔中央」的人。

若夜市仔，阿爸有閒的時陣，定會恁規家伙仔去覘覘咧。啊若菜市仔，我就真正較少去矣。三不五時阿母若咧煮食欠東欠西的時，攞會叫阮就近去超市買買咧，想欲買啥，時間上較無受限制。若早起時的傳統菜市仔，就一定愛中晝進前去才買有物件。所以這擺我無論按怎，我嘛欲

綴阿母去買料通轉來縛粽。沿路行就想著阿公定咧哼的彼條〈安童哥買菜〉歌詞內的情景，我嘛菜籃仔揸咧，tshiàng-tshiàng行、tshiàng-tshiàng去，心肝內是歡喜甲袂輸考試考著第一名的咧。

母仔囡入來到菜市，真正人山人海暎甲滿滿是，逐個人攞這也買、彼也買，買甲苦無跤手來鬥揸。閣看著生理人的擔仔無論肉粽、菜粽、鹼粽、粿粽逐項有，看著實在足好食款的，喙瀾強欲津落來。我共阿母問講：「咱敢有欲逐種口味攞來縛寡？」阿母應講：「拄才入來菜市你就險險仔予人攞無去，若是欲逐項粽攞總縛，我看著愛先拜託警察先生來揣人。」聽阿母應按呢，兩母仔囡煞袂記得買菜款貨的辛苦，兩個人笑甲喙仔裂獅獅。